

Winta

Süwagrau liegt iwa'm Lond da Newö.
D'Akaziweud'In voschwimman
voi Sehnsucht noch da weiss'n Bliä
und dem siass'n Gru im Friaajohr.

De koih'n Nast vo d'Nussbam
streckan si himmöwärts.
Schwoaz auf da Erd' no a poor Nuss,
wonn'st draufsteigst herst as krocha.

Schnee gibt's hext'ns flankalweis' –
des samma gweet scho vüle Johr.
Boid komma si nimma erinnan,
wia 's Schneekihr'n seenazeit wor.

Da schorfe Wind mocht's köta,
vü köta, ois's wirkli is.
's is erscht Mitto und i g'spir',
scho boid wird's wieda Nocht.

Da Winta is a zache Zeit,
wia monixmoi a 's Leb'm.
I deng' ma hoit: „Des geht vobei:
Wonn's on da Zeit is, wird's
– in da Natur und in mir d'rin –
a wieda Friaajohr wer'n.
Und hie und do – i g'frei' mi d'rauf –,
scheet a im Winta d'Sunn'.“

18.12.2024